

Barúwa ya katatu ya Yooháani Mulongooryo

Barúwa iyi, ni ya katatu ^yaandikwa ni mutumwi Yooháani. Yooháani aandika barúwa iyi nkufi kwa mwiimiriri wa vaantu ^vamura Yésu ^asewaa Gáayo (1:1). Barúwii iyi, Yooháani amadumbirira Gáayo sa viintu ^ajaa avateengya vaantu ^vamura Yésu ^veene yeeye Yooháani ajaa avatuma na kwa Gáayo (1:5-8).

Kintu chiingi Yooháani alusa barúwii iyi ni muntu mwi ^asewaa Diotiréefe. Uhu Diotiréefe avakaan'ya vaantu ^vamura Yésu vareke kundoovateengya vakiindya va Masáare Maaja (1:9-10). Na wiingi alusa ni Demetirío, uhu iikalaa mwiikalo wa kikomi (1:12).

^Vyeene Kitáabu iki Chagavwa

Lumbi na kuvyeenda 1:1-4

Mutima wo kiitoola kwa vaantu ^vamura Yésu 1:5-8

Mirimo mivi ya Diotiréefe 1:9-10

Mirimo mija ya Demetirío 1:11-12

Masáare yo herererya 1:13-15

Lumbi

¹ Niini moosi mulongooli, nookwaandikira weewe Gáayo, kijeengi chaani ^nakweenda kikomi.

² Kijeengi chaani ^nakweenda, noolomba maviri waako uwyire kiriwi, ja ^vyeene nkaasu yaako yowwira kiriwi.

3 Neeriwa mutima maatuku vii ni vaaniitu vamwi vara ^vuuja na aha vakaangwyire ^vyeene utúubaa njira ya kikomi. Mwiikalo waako na nteendo jaako ni ja kikomi mpindi joosi.

4 Kisiina kiintu ^chaanjéryaa mutima tuku, ja kuteera vasinga vaani kiikala viise ko tuuba kikomi.

Kukwaata Neeja Vatamami va Mweenevyoosi

5 Kijeengi chaani ^nakweenda, kira mpindi ^uri kaambirirya vaaniitu na hasa vayeni, woónekyaa ^vyeene uri wo kiilaangiwa.

6 Avo vaaniitu voonekya kikomi mpuka ya vaantu ^vamura Yéesu aha, viintu ^waboohya mutima. Kalaama vaambirirye vatuube luyeendo lwaavo ja ^vyeene iri mweerya mutima Muluungu.

7 Sa vatamami ava vakwaata luyeendo lwaavo, sa vatamame murimo wa Kirisitu baa hokera nyambirirya yoyoosi fuma kwa vaantu si ^vamamányire Muluungu tuku.

8 Haaha suusu tasaakwa tavaambirirye vaantu ja ava, sa baa suusu tave hamwi novo kutumama murimo wo vawyira vaantu kimáári cha Muluungu.

Diotiréfe na Demetirío

9 Nijaa navaandikira mpuka ya vaantu ^vamura Yéesu, maa kaa, Diotiréfe uhú ^eenda kuva wa ncholo, si asaaka kunteerera baa kiduudi vii tuku.

10 Haaha ^ndiri kuuja, yavika ndiri kiweerwii masáare yoosi ^atúmamaa, noo kusea, masáare mavi yo tulongowererya. Si jeyyo vii tuku, ye-eye si avatéengyaa vaaniitu ^vari luyeendwii tuku,

kei indookaan'ya baa vaantú viingi vareke vateengya. Na kooni voosaaka vateengya, yeeye avakítiraa na avakíbirya fuma kari mpuka ya vaantú ^vamura Yéesu!

¹¹ Kijeengi chaani ^nakweenda, kari utuube wiijuviri mavi tuku, tuuba wiijuviri muija. Kira ^atámamaa maaja, ni wa Mulungu, maa kaa, ura ^atámamaa mavi, si anamoona Mulungu tuku.

¹² Kira muntú yoomadumba Demetirío, na mirimo yaachwe kikomi yoónekya ni muija. Baa suusu toomadumba yeeye ni muntú muija, na weewe umányire koonekya kwiiswi ni kwa kikomi.

Lumbi jo Kiimikiriya

¹³ Natite masáare ^yari foo yo vawyiira, maa kaa, si noosaaka bweyya jeyyo na wíno na karatási tuku.

¹⁴ ^Vyeene nookiilaangya kwiiyona turi chaangu, aho, lusika turi miiso kwa miiso.

¹⁵ Mwiikalo muija uve na weewe. Vijeengi viiswi va aha vookulumbya. Naawe tuluumbirye vijeengi viiswi uko umwi umwi kwa irina raachwe.

Rangi **Rangi Translation Project (New Testament)**

copyright © 2023 Wycliffe Bible Translators, Inc.

Language: Rangi

Contributor: Wycliffe USA

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-08

PDF generated using Haiola and XeLaTeX on 7 May 2025 from source files dated 8 May 2025

f1dc5da6-bc39-5ea5-ac13-942132b5feb6